

Zeitschrift: Nebelspalter : das Humor- und Satire-Magazin
Band: 83 (1957)
Heft: 52

Illustration: "Mit den Frauen ist es wie mit dem Auto: die Anschaffung ist das Wenigste--"

Autor: Kredel, Fritz

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 09.08.2025

ETH-Bibliothek Zürich, E-Periodica, <https://www.e-periodica.ch>



« Mit den Frauen ist es wie mit dem Auto: die Anschaffung ist das wenigste -- »




Jeeda Lehrar isch über zSchwizzarische Schualwandbildarwärkh froo. Wenn är vu da Höölabewoonar, vum Lääban im Puuradörf, vum Sumpf und siina Bewoonar odar au vum Schtorch varzella muass, denn henkt är a Schualwandbild vor dKhlaß häära und dGoofa hend aswas zluaga. Am Oobat vorhäär hätt dar Lehrar usam entschprähhanda Khomentaar brav präpariert, und är waiß denn a Huufa zu demm Bild zsääga.

Vor khurzam isch a nöüis Schualwandbild ussakhoo. Dar Moolar Werner Schaad hätt a khoga guats Bild vu dar Schiff-Schleusa beijm Kraftwärkh Birsfälda gmoolat und vum Tokhtar Erzinger isch darzua a priima Khomentaar gschribba worda. Jeeda Lehrar, won aswas vu da Schleusa muass varzella, isch sihhar froo um Bild und Täxt. Abar ebba -

As git a Nordostschweizerischer Verband für Schiffahrt Rhein-Bodensee und dä isch mit-am letscha Khapitel vu dem Khomentaar gäär nitt zfridda. Dar Härr Erzinger hätt am aigantlihha Schleusatäxt a Khapitel aa-

ghenkt, won är siinara pärsöönlihha Mainig Uusdruckh gee tuat, dSchiffbarmahig vum Rhii in da Boodasee sötti ma bliiba loo. Si nemmi da Puura Land awägg, dia schöön Rhiilandschaft wärdi varschtädtarat und Arbaitar und Aagschelltli wüssandi nümma wohii in da Feeria, überhaupt gengi mit dar Schiffbarmahig a Schtuckh schwizzarische Khultur zum Tüüfal. - Das isch an Aasicht, wo dar Khomentaarverfassar sihhar haa tarf, sogäär haa soll. Abar privaat und nitt im Raama vum Schualwandbildwärkh. Üüsari Oschtschwizzar-Khantöön wäärandi khoga froo, wenns a billiga Wassarwääg über da Rhii in da Boodasee hettand, schtatt dia tüür SBB, Schaffuusa, Thurgau, Sanggalla wäärandi noch so froo, wenns dar Wassarwääg bis in dNordsee, ooni Umlaada in Basel, benütza khönntand - Khantöön ooni Induschtrii schtöönd, was zBütschee anbelangt, immer a bitz im Hemp doo ...

Für dLehrar isch noch miinara Mainig das Schlusskchapitel vu demm susch ussgezeichnata Khomentaar au überflüssig. Was aina in dar Schual über das Probleem will varzella, khann är sihhar vu sich uss entschaidia. Ganz apgsähha: Wenn a Lehrar vu da Schleusa reedat, muass är da Schüalar sääga, daß dar Wassarwääg no immar dar billigschi isch. Und denn mäldat sich villichtar an intelligenta Schüalar und said: Warum wird denn üüsara Rhii nitt bis zum Boodasee schiffbar gmacht??



BESTELLSCHEIN

für Neu-Abonnenten

Der (die) Unterzeichnete bestellt den Nebelpalter für 6 - 12 Monate und zahlt den Abonnementspreis auf Postcheckkonto IX 326 Nebelpalter-Verlag Rorschach ein.

Name

Adresse

An den Nebelpalter-Verlag Rorschach senden.

Abonnementspreise:

Schweiz:	6 Monate Fr. 13.75	12 Monate Fr. 26.-
Ausland:	6 Monate Fr. 18.-	12 Monate Fr. 34.-